

Das Ander Leyl

Archie. et de simo. licet help.

Item/erscheyndt keyn verklager vñ der böf leümit bleybt dannocht/so möch te der Bischoff mit seinen Chorhern zñ erfaren procedieren. Vñnd ist dann ein ner der das ampt des erfaren treibt vñnd forderet / so sol in der richter hören/vñnd sol sein gezeügen hören die der fürderer / promotor in Latin/dem richter benent hat/kompt aber keyn fürderer/oder er ist kommen/vñnd erschynen/vñnd ist aber vertriben wann der verleümit mag wider in excipieren vñnd beweisen seinen gürtten leümit.

Promotor.

Merck/wañ eyner geladē würt von ampts wegen/vñ vñnd richter erscheint so soll fürbaß der richter bestellen einen der den anspreche von ampts wegen/vñ der selb heyst cyn fürderer des ampts/Promotor officij in Latin.

In.c. Inquisitionis de accu.

Item/der richter sol am ersten den verleümbten laden von ampts wegen für sich/kompt dann der geladen/so sol er im geben abgeschriffte vñnd Copen/das er wiß warumb er geladen sei/auff das/dz er macht vñ weil hab sich zñ beschirmen/vñnd sol nimmer von ampts wegen procediert werde auff heymlich verärrer die mit heymlichen brieffen zñ geet/als dan söchs eygentlich verbottē ist. Wann soll auch die selben die also heymlichen jren nechsten verraten / durchächten/als söllichs in der glos des selben Capitels steht.

Extra de accu. qualiter z quādo. ij. z. c. inquisitionis.

Item/der also geladen/ sol wissen die übelthat vñnd malefiz darumb dan der richter wider in procediert / wann würde et was wider in bewisen da von er nit verleümit wer/so sol er darumb nit gestrafft werden.

vt in c. inquisitionis

Item/so die gezeügen verhöret vñnd auffgenommen werden/so solle jre name vñnd was sie gesagt haben dem geladen alles gsagt/vñnd abgeschriffte geben werden/auff das/dz im behaltē sey/ seine exceptiones wider die person der gezeügen vñnd wider jr sagen/man sol im auch geben zeit vñnd ziel sich zñ beschirmen.

vt in c. qualiter.

Item/ist das also die sünd wider in bewisen ist/so sol er gestrafft werden nach dem willen vñnd erkennen/quia aliud est arbitrium/ aliud voluntas/des richters/vñ dem wesen der sünde/also das er nit degradiert sol werde/im mag aber sein pfründ genommen werden. Es wer dann eyn sölliche schwere sünde als mördererz. Von söllichen hastu im. C. inquisitionis. Dis geet alleyn die geistlichen an der peen halb/aber man sol wider die geistlichen die strengkeit der rechten nit halten noch brauchen.

Extra de do. z con. tn. c. f.

Item/würt er aber nit mit den gezeügen überwunden/ das er die sünd hab begangen/vñnd so ist doch der leümit bewisen vñnd bleibt also der leümit/so sol der richter den geladen sich heysen mit seim eyde entschuldige/ nach dem wesen der sünd vñnd auch der person/vñ ist das sich die person nit entschuldiger/als du im Titel vom entschuldigen hast/so soll er nach ordnung der Rechten gestrafft werden.

Defensio inquisiti et appellatio.

Wie sich der wören vñnd beschirmen mag wider den also procediert würt/vñnd wie er appellieren mag.

Extra de ap. cū speciali de accu. qualiter z qñ. ij. vt ibi.

Oben hastu/wieder ober Richter mag erfaren vñnd die übelthat seiner vñnd erthan. Nün soltu sehe wie sich der beschirmen vñ wören mag/wider den also procediert würt/vñnd wie er appellieren mag.

Probat extra de accu. qualiter z qñ. ij. s. debet. ff. de edil. e. dicit. l. j. sedenda.

Am ersten soltu mercken/ob du den richter auß eyner redliche vrsach recusieret vñnd widern möchst/wann er mag wol recusiert vñnd gewidert werden. Wann es soll söchs erfarn nit auß neyd gehn. Gebürt in aber sölliches nit/so soll er im vor allen dingen heysen vñnd begern/vñnd bitten in geschriffte zñ geben die Capitel vñnd der willen er spricht das er schwärlich verleümit sei/auff das/das er sich möge im rechten beschirmen zñ gezeitten sich bedencken.

Item/das der richter sölliche abgeschriffte sei schuldig dem zñ geben/vñ auch